

民國川邊游踪
之
「瀘定考察記」

minguo chuanbian youzong zhi luding kaocha
头道水果亲王行宫/瓦角狐仙/好讼陋习/白马古冢[附唐三王墓]/小鬼子/泸南堡

任乃强 著

中国藏学出版社

K297.14
28

民國川邊游踪
之『瀘定考察記』

任乃強著

中国藏学出版社

图书在版编目(CIP)数据

民国川边游踪之《泸定考察记》/任乃强著. —北京:

中国藏学出版社, 2009. 12

ISBN 978 - 7 - 80253 - 215 - 1

I . ①泸… II . ①任… III. ①泸定县 - 地方史 - 史料 IV. ①K297. 14

中国版本图书馆 CIP 数据核字(2009)第 229304 号

民国川边游踪之《泸定考察记》

作 者 任乃强

出版发行 中国藏学出版社

印 刷 北京隆昌伟业印刷有限公司

开 本 640 × 965 毫米 1/16

印 张 7.5

印 数 3000 册

字 数 103 千

印 次 2010 年 1 月第 1 版第 1 次印刷

书 号 ISBN 978 - 7 - 80253 - 215 - 1 / K · 223

定 价: 16.00 元

目 录

| | |
|-----------------|--------|
| 一、序言..... | (1) |
| 二、康泸界标..... | (1) |
| 三、大藏桥..... | (2) |
| 四、日地名胜..... | (3) |
| 五、头道水果亲王行宫..... | (3) |
| 六、小天都..... | (5) |
| 七、瓦斯沟..... | (7) |
| 八、瓦斯沟铁索桥..... | (8) |
| 九、岩蟒..... | (9) |
| 十、追忆杨倬之..... | (10) |
| 十一、好讼陋习..... | (10) |
| 十二、性的故事..... | (11) |
| 十三、大冈战绩..... | (12) |
| 十四、冷竹关岩路..... | (14) |
| 十五、仙掌之国..... | (15) |
| 十六、冷竹关..... | (16) |
| 十七、“岳营背水” | (16) |
| 十八、烹坝..... | (17) |
| 十九、沙湾特产..... | (18) |

| | |
|--------------|------|
| 二十、咱里土千户 | (19) |
| 二十一、泸定桥 | (22) |
| 二十二、泸定繁荣史 | (24) |
| 二十三、泸定八景 | (25) |
| 二十四、泸定内八景 | (26) |
| 二十五、瓦角狐仙 | (27) |
| 二十六、甘露寺香桃 | (29) |
| 二十七、冷碛兴衰 | (29) |
| 二十八、佛耳崖 | (32) |
| 二十九、冷碛访古 | (33) |
| 三十、刘公德政碑 | (34) |
| 三十一、冷碛名胜 | (35) |
| 三十二、冷碛周土司 | (36) |
| 三十三、龙八铺 | (37) |
| 三十四、青灵秽迹 | (38) |
| 三十五、化林坪今昔 | (39) |
| 三十六、化林市街与古迹 | (42) |
| 三十七、化林汪土司 | (44) |
| 三十八、化林周姓神道碑 | (45) |
| 三十九、观音阁 | (46) |
| 四十、飞越岭 | (47) |
| 四十一、附：飞越岭至泥头 | (49) |
| 四十二、化林八胜 | (51) |
| 四十三、唐杖义城考 | (52) |
| 四十四、化林之衰灭 | (55) |
| 四十五、川康骡队 | (56) |
| 四十六、背子 | (58) |
| 四十七、高压下之谐剧 | (59) |
| 四十八、沈村 | (61) |
| 四十九、汉安县考 | (62) |

| | |
|----------------------|------|
| 五十、唐大渡县考..... | (65) |
| 五十一、沈边土司..... | (67) |
| 五十二、白马古冢（附唐三王墓）..... | (68) |
| 五十三、菱湖荡桨..... | (70) |
| 五十四、加郡之暮气..... | (71) |
| 五十五、花石吹箫..... | (72) |
| 五十六、得妥巨室..... | (73) |
| 五十七、铁庄庙..... | (74) |
| 五十八、“小鬼子”..... | (75) |
| 五十九、雨洒坪道中..... | (76) |
| 六十、雨洒坪与其异疾..... | (78) |
| 六十一、瓮冈坪与康熙鹏..... | (80) |
| 六十二、泸南倮倮..... | (82) |
| 六十三、香杉花板..... | (82) |
| 六十四、德妥磨西面..... | (83) |
| 六十五、磨西面..... | (84) |
| 六十六、磨西水利..... | (85) |
| 六十七、天主教堂与麻风院..... | (86) |
| 六十八、木雅贡噶..... | (87) |
| 六十九、雅加埂..... | (89) |
| 七十、咱威与奎武..... | (89) |
| 七十一、泸定天主堂教产..... | (91) |
| 七十二、泸定金石..... | (92) |
| 七十三、船头..... | (93) |
| 七十四、干沟与嘉庆河坝..... | (94) |
| 七十五、察道..... | (94) |
| 七十六、象鼻吹沙..... | (95) |
| 七十七、岚州（岩州）考..... | (96) |
| 七十八、唐罗岩州考..... | (97) |
| 七十九、岩州在明代..... | (99) |

| | |
|-------------|-------|
| 八十、岩州古道 | (102) |
| 八十一、岩州散记 | (105) |
| 八十二、岩州至瓦斯沟 | (107) |
| 八十三、泸定保甲户口 | (108) |
| 八十四、川康公路小史 | (110) |
| 八十五、康滇公路 | (112) |
| 八十六、泸定特色 | (112) |
| 八十七、关于泸定之地图 | (114) |
| 八十八、《泸定乡土志》 | (115) |

一、序言*

余性好游，登山必期造巅，涉水必欲穷源，古迹名胜，必自验而后快；民情谣俗、市易之事，无不留心。口好问，耳好听，眼善察，足能跋涉，手喜抄记，故游迹所至，每能得其地概况。泸定在川边，为开发最早之一县，扼汉藏茶马贸道枢纽者一千余年。其间必多可观可记之物，可搜可采之迹，可歌可泣之事。好游如我，安可不获悉！二十七年冬间，赴泸避冷，得信步流连，遍履全境。搜奇索秘，小有所获。大都发前人所未觉，而资后来者摩挲寻味之材料也。略事整理，资治史者研讨。

二、康泸界标

康定、泸定两县县界，在瓦斯沟与冷竹关间之大岩口，地名大嘴。自此东下鸳鸯坝，越大渡河、三台子，入岚州大山。西上黄草坪，入大雪山；其北则大冈、瓦斯沟、鸳鸯坝、亢州，皆属康定。此民国二年泸定设县时所划界也。清末赵尔丰所拟划之泸定县界，盖不如此。赵收咱里、冷边、沈边三土司印付泸定巡检，即拟以三土司辖地为泸定县也。咱里土司与明正土司之地，为柳杨东出八里之大藏桥。今之日地，头、二、三道水，瓦斯沟、大冈等村，皆属咱里。本篇记述范围，仍从大藏桥起。

* 本文原名《泸定导游》，连载于《康导月刊》第2卷2—9期。

三、大藏桥

大藏桥，不识何时何人修。百年前为康泸间要地之一。在柳杨东8里（或云10里），此段河谷，比较宽敞。南山一水，瀑泻而下，小桥跨之，高出海面2084公尺。距桥各一二里，均有岩路，若锁闭然。其内有民居数舍，已甚衰敝。今尚称“文献街”，则可想见昔时兴盛之状。自此又东4里，地名大河沟，木桥跨溪，虬书“万缘桥”。民国初年所建，桥亭尚新。其西申亢附近之善缘桥亦然。独此著名已久之大藏桥，无桥亭，亦无题识，桥式陋敝，知其非极盛时之旧桥也。大抵打箭炉至瓦斯沟之河谷，岸山挟束，如绝壁对峙。山上雪水，泻下成溪，皆为悬瀑奔泉之势。所挟石砾泥沙，随水堆叠于河谷低平大道所经之处，与岁俱增，分披左右，有如堤防。渐使河床隆起，成鸡胸式，故此上建桥，每数十百年，必为沙石所湮。盖河床高出旧桥之上，或竟为沙石所击坏也。余疑大藏桥为果亲王入康时所建，当时打箭炉同知，与明正土司等，筹办大差，修饬津梁、行馆，因建此桥，亦未可知。大藏二字，必非译名。今则代久年湮，市街荒废，旧桥亦随沙石埋没，仅存遗痕已耳。

近查嘉庆《四川通志》“关隘”条，于“打箭炉”下称：“大藏桥卡，在厅东三十五里。”又“铺递”条下称：“深亢铺，在厅东十里。柳杨铺，在厅东二十里。大藏铺，在厅东三十里。日地铺，在厅东四十里。头道水铺，在厅东五十里。大冈铺，在厅东六十里。冷竹关铺，在厅东七十里。……”此所谓“大藏铺”，即为大藏桥地甚明。据此，尤足证大藏桥为百年前康泸间冲繁之地。

四、日地名胜

日地海拔 1800 公尺，在康定至瓦斯沟之幽长峡谷内，地势最为开敞。盖其地质为花岗石，易风化也。以是农地与民户独多，岸山倾斜，日照宜人，气候亦殊和暖。市肆兴盛，在柳杨之上。民国二十五年，建委会饬康泸两县大道各市建坊，表书道里、户口、物产、名胜，以道游人。日地坊所标名胜，有“华山积雪”，“宝灵古刹”，“喇嘛飞泉”，“石笋插天”，“天仙花桥”五条。询之土人，据云：“华山，在南岸极高处。”查此峡谷由打箭炉水蚀断大雪山脉而成。其山脉南连木雅、贡噶，北连大炮、海子诸山，平均高出海面 6000 公尺以上，为汉康两民族之大扦壁。惟此深陷数千尺之峡谷，沟通两方。峡谷之岸，即 6000 公尺以上之雪峰也。冰雪侵蚀，多成花瓣矗立之状，土人呼为孽山，南北两岸皆然，不必日地之南也。然他处岩石壁立，障眼不能望见，日地之南岸较斜，故得望见积雪，拥为专有亦宜。宝灵山，在日地南坡老林内。寺供地母，传甚灵异，每年春夏，往朝者甚众。余见天仙桥侧有石砌大道上山，甚修整，询其所通，因知其事，未往游也。石笋，在日地西南山半，西行时舆中可望见之。天仙桥，即日地东端之木桥。“喇嘛飞泉”，闻在日地东五六里二道水山后，地名喇嘛嘴，有雪山水泻瀑，故名。查二道水与头道水之间，始见泻瀑。其瀑即小天都，疑即所谓“喇嘛飞泉”也。果尔，则应改为“天都飞瀑”。

五、头道水果亲王行宫

头道水、二道水、三道水，相去各约里许，并有人户。峡谷之水至此，如跌三阶，激冲巨石，怒腾百丈，珠沫飞溅，蔚为奇

景。头道水位最东。百年以前，自川来打箭炉者，皆自冷竹关上黄草坪，逾大冈村，循金钗匾斜下，会路于此。（观前节所引《通志》“铺递”条文可知。）今其路基，尚隐约可见。盖其时冷竹关、瓦斯沟间之岩路，尚未凿也。当是时，头道水之地位，与今之瓦斯沟相当。市街栉比，不似今之双屋相守而已。

清雍正初年，西藏受准噶尔人之逼，清廷患其劫持达赖，迎达赖七世于泰宁惠远寺安置，设泰宁协护守之。十二年，准噶尔请和，诏果亲王与章嘉呼图克图赴康，自泰宁送达赖回藏。果亲王宿头道水，爱其飞瀑，题诗刻石云：“才过鱼通栈几重，忽看飞瀑泻高峰；天将王乳流悬壁，人道金山傍古松。到此顿教开俗眼，坐来直欲洗尘胸。十年山水经游遍，不信奇观意外逢！”当道遂营行宫于此以媚之。传果亲王自泰宁回，勾留于此行宫者数月，其行宫在瀑下桥侧。光绪五、六年时，洪水暴发，山石随瀑崩坠，将果亲王诗碑、行宫与市街一并掩没。今则土人已于漂石积沙上重辟田圃矣。

头道水居民师正国，今已 62 岁，原化林坪营卒之后。9 岁时，徙居瓦斯沟。为余言：“头道水原系瓦房大街，果亲王行宫与诗碑在其西端瀑下小桥南头。大门三进，皆向北，雕画人物，甚为华丽。厕系坐式，为生平仅见。儿时曾试之，高不可坐，登蹭为之。时尚有人守看。但全房已朽矣！十二岁时，山水大发，将全宫及市街打毁，诗碑湮没。其时我尚居瓦斯。大水后始移居于此。”谈时，适有汉源负茶老人在侧，自云：“今五十九岁。八九岁时，随诸父叔习负茶，力仅胜三包，每追伴不及而啼，为同行讪笑。过此地，识其为大街，有王宫在此，今尚能记忆。迨少壮过此，则墟莽也”。凡此均足证头道水市街与果亲王行馆，为前五十年被水湮灭，为时应是光绪五年或六年也。果亲王诗碑，在化林坪，与泰宁者皆存，独此地诗传而碑没。余昔曾遍访之，无能言湮没之事，幸赖此两老人传其厘略，即此已可见边区文献收采之重要。

查果亲王，名允礼。清世宗第七子。受业于长洲沈归愚，颇

以诗词名世。雍正十二年至康，十三年返京撰有《西藏志》传世。

六、小天都

头道水后崖间瀑布，在川边各瀑布中为最美胜。其右侧岩上，勒“小天都”三字，世传果亲王笔。余曾攀登崖壁，扪其款识，乃“乾隆五十七年仲□，文华殿大学士孙士毅书”十八字。查果亲王前诗，与“天都”字义无关。又乾隆时，查礼等人题诗，皆称头道水瀑布，不云“小天都”。可知小天都之名，乃孙士毅所命。世徒知果亲王，妄以属之耳。

土人相传：打箭炉河，汇三池之水而成。二池在折多上游，一池在头道水上方。兹所谓池，即今人所称之“海子”也。《四川通志·打箭炉厅》“山川”条云：“头道水，即三池水之一，雨后有瀑布可观。”盖即指小天都瀑布。余曾徘徊瀑下，细察瀑痕，古昔原自今瀑之左方二三丈处泻下，溜痕与滴痕宛然可验，今瀑盖五十年前大水后所迁。查其大水之由，必非雪山崩坠，殆由上游山间有池，偶然溃裂所致。此带雪山，常因冰河侵削，于山半成池，池亦常溃裂，酿成洪水之事。如康定南门外之乱石坪，即乾隆时“黑海子”崩裂时大水之所冲积是也。《四川通志》“三池”之说，必有所征。余询师姓樵子，据云：常攀登崖顶芟薪，未见有池。是昔有池而今无池，其为池崩所致，可知也。又昔时“雨后有瀑”，今则四时飞瀑，可知昔因有池节水，故必雨后乃瀑，今则雪水直下，故无间晴雨而有之耳。

此瀑除果亲王外，查礼、惠龄、孙士毅皆有诗。查礼诗云：“山高出流水，百尺挂飞瀑，喷腾响震天，声若狮子叫，寒光洒急雪，或怪珍珠跳。入座闭目听，一洗心烦躁，终夜不成梦，神气多被耗。造物太好奇，故遣波倾倒，惜哉名胜地，乃结西南徼。”惠龄诗云：“百战归来此心机，匡庐风景认依稀。玉龙倒

挂将山隔，银汉斜翻作雨飞。练影何年开石窦，雷声终古响岩扉。悠然小憩空亭里，雪波如花欲湿衣。”孙士毅诗云：“足练斜翻织女机，天台黄海见应稀。谁教下界千畦润，端在岩层一道飞。壮观宜留韦镇节，安禅只少远公扉。骁腾犹似征西日，十万貔貅响铁衣。”（和惠龄）又“四面巒岝积翠重，寻源毕竟自何峰？涛奔绝巘惊沙鸟，雪喷炎天失火龙。好句传来金掷地，高怀定见宿罗胸。徐凝界破诗非恶，粉壁笼纱一关逢。”（和果亲王诗碑，皆步原韵。）

余考查礼，系宛平人。乾隆时再征瞻对及金川之役，皆预其事。著有《西域行》诗集，嘉庆《四川通志》多收入之。后官四川布政使，湖南巡抚。惠龄，蒙古正白旗人。曾任河南、湖北、山东等省巡抚，乾隆五十六年，以四川总督衔，驰赴西藏，为参赞大臣。会同福康安剿办廓尔喀，督理粮运。五十九年，与福康安、孙士毅等同由打箭炉返川。孙士毅，浙江仁和县人，乾隆二十六年进士，五十二年，任两广总督；五十五年，调四川总督，寻改两江总督；五十六年，授吏部尚书，协办大学士，此其称文华殿大学士之由也。是年秋，廓尔喀扰藏，四川总督鄂辉领兵赴藏，命士毅往摄川督，士毅驰驻打箭炉，督办军糈。次年春，因台站牛病，转运不灵，复赴察木多督运。嗣因大军前进，复驰至拉萨，督办粮运。事平，授文渊阁大学士，仍偕福康安、和琳驻前藏筹划善后事宜。五十八年，以士毅年逾七十，改福康安四川总督，已而福康安率金川土司入觐，仍命士毅权署。五十九年，调福康安云贵总督，和琳四川总督，复因和琳入觐，仍以士毅署川督。以堵湖南苗乱功，晋封三等男，其年六月卒，谥“文靖”。是“小天都”三字，为士毅初赴打箭炉时所书，其与惠龄唱和诗，则班师过此时所为也。又士毅第二诗，系和果亲王前作，亦步原韵。而嘉庆《四川通志》，乃以果亲王诗与查、惠、孙四诗分系于头道水、小天都二条之后，又将头道水与小天都，分列于山川、名胜两门，竟不知其即为一地。又谓“小天都”三字为果亲王所题。当修志时，必曾饬地方官吏郑重搜访，

乃亦讹谬若此。则其他辗转传抄之载籍，与信口雌黄之著作，更不可恃也。

七、瓦斯沟

瓦斯沟，海拔 1560 公尺，当打箭炉水入大渡河处。有上、下二市，相去 2 里许，共 50 余户，皆汉人也。其地在泸定桥与打箭炉之间，相去各 60 里，为一重要宿站，市肆相当繁盛。唯查嘉庆以前，此地尚无市肆，缘当时冷竹关崖路尚未凿通，官商孔道，系由冷竹关上黄草坪，经大冈村，下合头道水故也。嘉庆《四川通志》称打箭炉水为泸河，谓其“至大冈入大渡河”，不曰“瓦斯沟”，可以知之。

然考明以前川康交通，系由岚州下山，自瓦斯沟口渡大渡河至炉，即清嘉、咸以前之天全茶运，尚循此路。此地既为孔道渡头，不能毫无人烟。又查市头小学校，系关帝庙改修，遗有铁钟，乃嘉庆十一年六月铸，钟上序文，且谓“旧有钟一口，发音不洪，因而募资重铸”云云。则嘉庆以前，此地已有汉人建有寺庙可知矣。

大抵川边汉人之移植，以乾、嘉时为最盛。乾隆金川之役，前后三十余年（乾隆十二年至四十一年），恒分三至五路进兵，打箭炉与灌县两路，最为重要。史称其“转运之艰，或数石而致一石；禁旅所至，以数夫而供一夫。”官兵夫役之外，商贾从而逐利者，当不乏人。当时汉人赴边者之众，可以想见。居边日久，或遂娶妻生子，垦地经商，乐此不归。所有瓦斯沟等处之汉人，当系此时徙置。其后廓尔喀之役，虽仅三年即平，但四川总督之自炉赴藏从役者，达于五人之多（鄂辉、惠龄、孙士毅、福康安、和琳），其他官吏、胥役、兵丁、商贾，可以推知。此役甫定，川中“教匪”之乱大作，川人避地不归者，应较往时更多。大渡河谷之采矿事业，此时最盛，瓦斯沟市廛与庙宇应亦

由是建设。再十余年，即嘉庆十一年，而有铸钟之事耳。

再查嘉庆十一年所铸钟，称此地为“瓦寺”，不曰瓦斯沟。康语河沟内有农户者曰“石”，或“寺”，可见此地原有“西番”农户。“瓦斯”二字，系转译康名，“沟”字则为汉人所知。

八、瓦斯沟铁索桥

瓦斯沟有铁索桥，为泸定桥外第二大桥，交通价值，亦殊伟大。上下鱼通数百户，土客人民，对打箭炉之交易往来，无不出此。查其铁链，锤痕未漫，知修成未久，遍察四周，未有碑记。询之土人，云是鱼通某喇嘛所修，初颇信之，以喇嘛建桥，概无碑志，若汉人，则未有不竖碑者也。后闻杨开堂云：系康定王复春之先人所建，然亦不能道其详，予曾两访王复春，询得梗概如下：

王之先世，原湖广人，清初入蜀，落籍新津。五世祖世美，受明正土司聘，来炉掌书记，俗称“稿爷”。历明亮、昌怀至祖父用林，皆以办稿为业。用林生三子。长宣楼，次远斋，三子早卒。宣楼从理塘土司幕，又从马提督维骐军幕。历保候补县。远斋少曾失明，以惜字自忏，渐复能视。父子发愿成一善举，以赎历代舞弄文墨之咎。用林歿于光绪二十一年，所遗房产外，有银六百两，嘱二子以修善举。适瓦斯沟沙乡约来炉，谈鱼通喇嘛修桥事。缘瓦斯沟原有溜索桥，地陷，水急，河阔，竹索易断，渡者时有漂失。鱼通某喇嘛，发愿修铁索桥，土司闻其多金，入以罪，勒去，桥功不果，闻者莫不叹息。远斋问其所费，谓约六百金，遂以自承，立兑一百两至荥经，雇工购铁，运此开炉兴工。修桥余款，遂凿宽观音崖石路。瓦斯人士义其事者，愿为立碑，未果。王姓以独立建桥，外未募化，既无报销，亦未自立碑也。

王姓住家，在今中正街邮局斜对，巨宅宏丽，据云祖先所购，契纸署值百余两，今其时值约万余元。大约光绪中叶之 600

两，亦相当近日之三万元左右，书生以笔墨起家，能斥如此巨款，为地方建公益，而不求誉于后世。亦贤矣哉！余故乐为传之。宣楼民国九年卒，年七十一。远斋民国二十六年卒，年八十六。

九、岩蟒

瓦斯沟坊古迹栏，标“铁索桥，石岩蟒”二语，不知石岩蟒谓何。于观音岩上，遇木匠杨姓，述其故事如下：

往时瓦斯沟有巨蟒，岁吞一人，于十月十三日行之，成为定例。自瓦斯沟上至日地柳杨，人烟尽绝，转向鱼通觅食。章古（在观音岩后方，为鱼通最南之一村）有孝子奉母以居，蟒悯其孝，久留未吞。既而余人已尽，次当及于孝子之家，母谓子死母亦难活，不如舍母，孝子固不肯从。期既届，母子抱泣于室中。有铸铧匠者，盖仙人之流，过此闻之，询得其故。曰：‘皆无庸死，我能除之。’于是设冶鼓铸于其家，但熔铁而不铸铧。届日之晨，大风雷雨，巨蟒果至。张口于门，上颚承楣，下颚卧地，方将呼吸，铁匠突以铸汁倾其口内。蟒痛极，反身奔走，入观音岩下穴中，五脏焦灼，震撼崖崩，而蟒亦死，全身化为铁质，嵌在崖间。

杨姓导余至岩蟒对岩观之，其地在铁索桥下数十步崩崖上。有褐色蟒影，头向瓦斯沟，半埋岩间浮土中，颈与腹酷肖，径约三尺，形式蜿蜒，惟尾部不全，如截。隔数丈外，复露一段。盖岩层罅裂，为铁矿填充者。探矿家所谓影道，亦曰矿脉者是也。鱼通人民，迷信此传说甚深，咸谓此蟒影为神物，事之甚虔，每逢未年十月十三日，举行祭蟒大会。天旱之年，亦有喇嘛来投牛肉念经，以祭此蟒云。

十、追忆杨倬之

已故瓦斯沟名医杨倬之，其在炉城，活人无算。向以病，延至寓，始知同乡，居里甚相近。自云：“光绪中，以其兄之妾有外遇，并奸夫诱杀之。亡命之黔，遇异人，得医卜星相堪舆诸技。鼎革时，起义于茂州，黑水诸夷落咸附之，众号十万，杀官二十余员。民元后，尹昌衡使人讽以归政，遂弃所部，自投康中，以医自给。落业于瓦斯沟。”又言：“数年前，自相眉有晦纹，当死，已备后事矣。于时有贫家某姓女，曾字人，年已逾，贫不能嫁。市中无赖少年，朝夕以恶态诱之，逾墙投石，终夜不能宁寝，其父母不能拒，朝夕痛哭。同市绅耆，于某宴席上谈其事，相与叹息。或讽之云：君尚无后，宜作此好事。遂慨然自任。此间风俗，嫁女者办陪嫁者外，须大会亲友，计非百金不办。杨时尚贫，自度不胜任，邀同席富绅分承之，诸绅中酒，皆慨诺，立呼女父来，命其受帖订嫁。已而诸绅皆悔，杨愤甚，竟独任之，家蓄不给，转贷以完其事。初时激于侠气，未尝望报，事后气平，视其晦纹忽灭，转现佳气。”杨自信延寿一纪。果又十年，至民国二十六年卒。无嗣，抚子即杨开堂，能承其医业，设药肆如故。

杨君所为义侠事尚多，不可胜纪。当时皆未纪录，不意其突病物化也。迄今念之，深以为憾。故存其一斑焉。

十一、好讼陋习

世讥泸定人好讼云：“家收十石谷，五石供衣食，两石完官租，三石备讼。”余于杨姓木匠谈话验之。当余游观音岩时，独人，持手杖，缓步从容，遇杨于岩端，行色初匆匆然，蓦见余，